


T 3210 / 8546.81

23



登明齋志本之二

仙

蘇軾與蘇轍書

二氏之徒異端也何以志然其道澆滑清淨歸於無

依亦人情之所難且及其行之成往往有濟世拯物

首出其間孔子曰老子其猶龍乎又曰西方有聖人

希其辭雖見於史傳然究聖人之言垂世久矣曷得

有志豈以錢塘而獨異乎亦仙釋

仙

錢塘縣志卷之三十

錢塘縣知縣南樂魏嶺纂

哈佛大學漢和
圖書館珍藏印



仙釋

二氏之徒異端也何以志然其道淡泊清淨歸於無
欲亦人情之所難且及其行之成往往有濟世拯物
者出其間孔子曰老子其猶龍乎又曰西方有聖人
焉其語雖見於史傳然托聖人之言垂世久矣例舊
有志豈以錢塘而獨遺諸志仙釋

仙

周

辛沂 一名計然師老子為范蠡師作文字號通元真人隱禺山即計籌山也半隣廣化寺

漢

姚俊 字翁仲明經術災異晚為交趾太守漢末入增城山學道遇秦人郭幼平教服九精鍊氣輔星在心

之術道成在華陽洞天兼北河司命主水官之考藏蛻臨平塚中時聞鼓角聲

裴仙姥

採花釀酒王方平千錢沽五斗和天酒飲之今柳浪有仙姥墩或曰在餘杭此晉初錢唐之名

王安石有送僧歸錢唐詩云花前若見餘杭姥蓋指此

葛元

字孝先句容人父為大鴻臚元幼負奇操丰神標峻三國吳居武林山葛塢往來會稽雲門一賈人泛海泊神廟神令廟祝附書于元書着船如釘不可動及達岸以報元元遂自往取即得封題稱太極左

宮仙公世因稱葛仙公

晉

杜曷

字叔恭謝靈運幼養其家今客兒亭是也事後母以孝聞三辟不就後神人張鎮南授以秘典能見人三五世禍福桓溫北伐違其言敗績策謝玄淝水之師堅來而覆其早鑿也預言木妖盧竦犯闕敗死狀及孫泰之禍亂將至戒家人治凶具尅期尸解按客兒亭一曰杜明甫所建兩山誌云明甫錢塘人居靈隱夜夢東南有賢人來訪時謝元生孫於會稽求寄養于明甫豈曷即明甫耶

葛洪

字稚川元從孫也祖系吳大鴻臚父悌入晉為邵陵太守洪少好學家貧躬自伐薪以買紙筆夜輒寫書誦習以文學知名性寡欲閉門却掃尤好神仙導養之術事元弟子鄭隱悉得其法後又師事南海太守上黨鮑靚妻以女洪傳靚業兼綜煉醫術凡所著撰皆精覈是非而才華富藻太安中石冰作亂吳

興太守顧秘為義軍都督檄洪為將兵都尉攻冰別
寨破之遷伏波將軍洪見天下已亂欲避地南土乃
參廣州稽含軍事及含遇害遂還鄉里禮辟皆不就
相傳任武林山葛塢得道于青林洞又洪求為勾漏
令就取丹砂鄧嶽邀止煉藥忽欲遠游即之尸解矣
輕如空衣今名山往往有丹井葛嶺尤著葛居菴普
福甘園皆有之初陽臺其取日精處也方
輿勝覽云天竺山乃葛仙翁得道之所

許邁

字叔元一名映丹陽句容人許旌陽再從昆弟家
世仕族少恬退不慕仕進嘗就郭璞筮之遇泰之
上爻發璞謂曰君元吉自天宜學深遐之道時南海
太守鮑靚隱跡潛遁人莫之知邁乃往候之探其至
要因立精舍稽留號思真堂又以餘杭之懸雷山近
延陵之茅山潛通五嶽陳安世茅季偉常所游處而
往憩焉父母尚存未忍違離朔望歲節還家自省及
父母歿乃遣婦孫氏還家携其同志遍游名山焉永
和二年移臨安山登崖茹芝有終焉之志乃改名玄
字遠遊著詩十二篇論神仙之事義之造之未嘗不

彌日忘歸相與為外世之交玄遺羲之書曰自山陰
南至臨安多有金堂玉室仙人芝草左元放之徒漢
末隱者皆在焉羲之自為
之傳述靈異之迹甚多

六朝

杜曇永

字元老徙自京兆仕齊逢革命因避名岳建清
虛閣於玉笥大管法樂玉笥山古名羣玉峯有
三十六峯二十四洞洞天復開洞側石臺以待真侶
武帝賜號金闕先生蕭子雲師事之後共錢員外作
還丹洞中靈異屢降服丹於太白
山頂白日飛昇家屬隱為地仙

褚伯玉

事具逸民性耐寒暑嘗入閩洪發船
碎萬仞之下而伯玉怡然蓋仙人也

隋

杜子恭

多道術有索所借瓜刀不得隨舟嘉興魚躍入
舟遂剖得之豪族貴望多執弟子禮尊事焉沈

警孔靈產皆有道之士莫不敬慕靈產
出錢塘北郭於舟中望其墓而遙拜焉

唐

徐靈府

邑儒生由天目趨天台憇雲蓋十餘年結廬層
石屬睇松竹外環池島名以方瀛修煉其間作
言志詩辭武宗之徵絕粒久之自然而化靈
府著玄鑑五篇及三洞要畧傳于左元澤

丁飛

字翰之與陸龜蒙交居龍泓洞讀老莊書善養生
寡睡少言問所服食曰治心修身之外別有何物
每月夜鼓琴鸞鶴翔集年八十六力作陟險如飛
毛髮不衰顧反益壯善小楷有丁行者醮筆池

杜昇

有才學得隱形解化術入杭市沙書龍字蜿蜒杯
中叱之即成丈餘若隱雲霧呼之復下得錢輒與
人語蕪牧杜儒休行死兵難當慈愛及人後如
言昇亦被難尋有人遇於江浙湖南沙書如故

馬湘

字自然少為小吏好經史工文學嘗與道士徧游
方外至湖州醉墮雲溪經口始出衣不沾濕指言
適為項羽所招飲酒氣衝人狀若風狂溪邊人聚觀
之又時復以拳八鼻面形如故能指溪水令逆流良
久指柳木能隨水上下指橋令斷復續每賒酒于白
塔巷酒肆竟日沉湎謂主人曰我今得仙矣所通酒
債焉敢輕酌遂出囊中藥化賣酒鐵器並為紫金訪
常州太守馬植會飲湘于席上以器皿植瓜須臾生
花結實坐客食之皆香美或有疾告之即以所拄竹
杖指病者口吹杖頭如雷聲病隨愈跛倚而來者湘
以杖扣之應手便伸展與之財物則以遺貧者大中
祥符九年卒葬其家東園明年東川奏梓潼縣道士
馬自然白日上昇且謂人曰昨已羽化于浙西今玉
皇又詔于此上昇帝命杭州發其塚視之止存竹杖

錢小校

事令狐纁從袁循持節入滇經玉局觀觀黃籙
醮畢有紫衣人杖劍執盃水飲之因絕食易貌
循使入道乾符間
猶在後不知所終

五代

張契真

清骨方瞳形如瘦鶴善書奕手錄凡五百卷幼負篋從吳法師游朱天師奇其骨法得度居真聖宮及受樊先生靈寶籙歷覽藥笈忠懿王俾王三籙齋事焉太宗選居太乙宮召對賜紫命校道書賜號元靜太師一日見朱衣吏持符使速淨穢趨職久之沐浴返真體柔汗淋火得青黑色珠數升

宋

王廻

字子高居尉司前秀朗出塵嘗曰葛稚川陶隱居吾之師也後逢周瑤瑛携游芙蓉城蘇軾為作歌周密題奇俊字北郭石上

管歸真

遇邊姓青衣人欲傳其點化術問知五百年復還本質恐悞人而辭青衣者敬其言遂授以紫府符法祥符間行符救病病盡愈禱雨龍虎飛躍賜號正白後繡衣使者奉命召之遂化

沈若濟

字子丹通二氏書尤長于醫居茅山施藥已疾徽宗再召賜號洞元後服丹戶解

沈敬

遇老姥鍾山令汲山泉煮石石柔餌之得仙敬煮十載不柔姥曰內蓄疑耳此瓊樹中毒風故堅信吾言當自柔已而果然餌之身輕貌變

劉居中

隱嵩山二十年紹興中應詔來西湖嘗得石壁異書如其術行之壽百餘歲

王嗣昌

玄悟自北海來望吳山五色雲趺坐頂上竟日眾異其貌編茅供茅君其中居焉遂不下山嘗畫地為獄囚妖燔馘之治病病愈不用醫術居吳山三十年無疾朗吟而化高宗感其靈異為建三茅觀

蔡道像

博學通微遇異人得仙訣高宗南渡阻風祠茅君而濟見絳衣人坐吳山因拓菴為觀使主焉又能置鶴因賜田及七寶鎮其山年八十一坐解所遣侍中貴劉鹿泉敖者感而棄俗亦封真人

張守真

三十二代天師也應高孝兩宗詔館養魚莊醮有異處即蒙厚賚翛然不顧後無疾羽解子伯璟亦隨館於杭演法錢經均受兩宗之詔次子可大領邑龍翔宮事禳蝗保塞咸有感格錫子更蕃

皇甫坦

得丹訣於朱桃椎久之頂有珠光能斷地出泉布氣生枯枿因入顯仁太后夢召之醫目嘘呵翳落及起如甕留扇治瘡皆奇驗高宗又善其所對無為為治之語賚錫甚厚坦潛置卧榻而去兩朝四徵館之西湖寶應觀孝宗亦加宴賜俄辭衆泊然尸解天燈仙鶴旋繞其室

徐立之

學老子隱雷峰自比真鴻霧豹又言劉蓑衣者築希彝道場在峰下

車四元

貌甚偉有黃白術飲酒數斗不醉數往來邑中已再逃大期百二十歲矣蔡京為邑尉有道人求見京延與語飲之酒而去明日復見之又明日道人復至飲酒數斗日夜不能歸願托宿京不得已許之且祈同榻命京處外已處內戒曰中夜有相尋覓者幸勿言京意其奸盜亡命身為尉顧匿之展轉至三更目不交睫聞舍外人聲俄頃漸衆遂排戶入曰車四元在此欲就床擒之或曰如并損床外人何帝必怒吾屬且得罪京大恐起坐呼從吏無一應者道人安寢自如不為動舍外人云又被渠閃了六十年

可怪可怪咨嗟良久聞室內如揭竹紙數萬番之聲雞鳴乃寂呼從者始應問所見皆不知道人瞿然謝曰某乃車四元也賴公脫此大厄又可活一甲子公當貴窮人爵吾是以免因語京以乾汞之法曰他日有急當用之天明別去後不復見京以其說傳中子脩京死脩家竄廣西以其術致富

李芟

字定國寓邑營授徒將詣淨慈過長橋竹逕迷路逢青衣道人問得其故止之啖以所斲燒笋俄風雨晦冥失道人所在即身輕貌妍不復飲食僕駭之以語其兄莫莫至則去游茅山旋入青城矣後莫為蜀提刑訪之已乘雲去數年惟存繪像耳

張紫陽

字平叔九皇真人之一降天台作悟真篇度人已度徐洞陽建菴瑞石後闍許生見賣裘翁者曰吾宅鳳山候潮間後入菴見像大駭蓋視為真宅云

白玉蟾

以神童為神霄吏名滿天下煉丹色之三一菴醉墜西湖遶尋不得明日見坐水上猶醺然

黃舜申

南渡後被詔寓邑中賜號雷淵廣福普化真人受南公神書門士如雲

鬚髻道人

在西泠橋投少藥孟水中嗽而吐之成銀為周文璞趙師秀償酒債因名遇仙酒肆

陳宗真

閩人理宗召見命仗劍喚水忽成紅霧遂錫紫芝之號使居神霄雷院

金元範

未嘗聞道寶祐初江潮潰岸夢茅君授符治潮醒輒忘之三夕而始憶其文詣闕請試潮大至

飛符喝退之不
受賜而歸華陽

唐道錄

素以精虔章醮得名度宗時國事危急令道錄拜章道錄御氣出神屢為罡風所阻默叩張真

君云上帝禁通宋國表念表詞誠懇姑押詣玉堦見引服冕辨髮神人至眾荷青冊者隨之傳旨曰宋國人民疆土傳汝職掌神人拜受傍有天丁語道錄曰宋曆盡章所由不達也革命後始為人言之

羅少微

寓紫陽宮夜雪與丁文學輩擁爐思美醒肥矜微奮袂提羊蹄銀榼酒至曰帥庖物也相與歡

醉擲劍騰去
榼歸于庖

元

徐彎

通道術邑杜氏女中邪驅白衣人至叱之成白蛇崇止與兄弟俱樵獨不返尋之腰鎌倚木若蟬蛻

着樹

莫月鼎

初名起炎幼習舉子業試有司不利乃棄去受徐無極五雷正法雖嬉笑怒罵若有神物從之

世祖欲聞雷乃擲胡桃應聲而發所賜悉濟寒者飲西湖客畏日浮果殼觴面雲起湖中翳日市魁娶婦為北高峯白猿所攝呼狂飈飄婦歸他靈奇類此宋濂曾為之傳

劉大彬

居茅山延祐間得九老仙都玉印仁宗即賜之加號真人作山志張伯雨為之書後蛻華陽

張雨

字伯雨九成六世孫悟楊許遺書於茅山嘗著茅山志趙孟頫楊維禎謂在陶貞白上而文學韓愈

詩宗大曆書通李邕畫木石似蕪軾而馮祭酒夢
頑快雪堂所載則又以爲仙去事詳隱逸墳墓

徐弘道 號洞陽修真瑞石山年八十三沐浴更衣書頌而蛻其得法弟子丁野鶴也

丁野鶴 居裝駕橋北業束簫棄去師徐洞陽於紫陽菴
潛修密證不露風采月沿門誦經受少許米名

日月經僅官巷杜氏輩數十家不他丐元宵衆競談
蘇州燈市之盛丁令各閉目目啟而燈見俄失丁則

已歷叩衆家語故矣久之衆歸急往謝之曰更能化
羣鶴衆爭起捕所化鶴皆紙也鶴鳴人喧忽反顧丁

作控鶴坐而化漆身祀焉先是召其妻王守素付之
偈曰懶散六十三妙用無人識順逆兩俱忘虛空鎮

長寂妻感其言亦爲女
冠二十年不下山仙去

鄧牧 居超然館文章高逸奉旨徵之不
起大德間無疾羽化著洞霄志

葉林 能古文却穀洞霄惟啖果蔬獨善鄧牧俱不
應詔後無疾書頌而化李坦之亦與齊名

姚真人 其妻冲靜先求出家姚因與之雙修分
庵而居夫曰妙心妻曰長春後皆證道

王應瑾 號景舟出家而事父母居佑聖觀張雨楊維禎
俞子中與交而天師名以高士真人者也領諸

神拯救邑人旱災呼雨若涕唾
平居種藥洗竹聽笙調鶴而已

李國用 寓邑久之嘗得仙術洞見五臟稱神仙謝退樂
者延之倨傲上坐省幕官皆陪席趙孟頫與焉

望見躍起致禮曰過江僅見此
人異日一品名聞四海卒如言

吳全節 奉詔訪異人建紫瓊觀以禱祠極寵薦吳澄進
象山錄脫儒奴藉焉每曰欲知顏子如愚處正

在義皇未畫前蓋得謝
疊山河崙訣而成真云

王壽衍 字眉叟有學行至治初徵授真人領開元宮虞
揚范揭皆與善嘗爲名士劉時中治喪撫其孤

葬近壽穴便琴
掃篤友誼如此

杜道堅

號南谷子見世祖陳養身安民之道眷賚殊厚
主昇元觀與鄧元祐校讐羣書策老君臺宗陽
宮集儒彥賦詩一時推尊焉

晚蛻去舉衣履葬計籌山下

姚懶朴

先居紫陽菴馬均延禮作法治
大疫里人獲安建凝空菴居之

明

張三丰

修煉武當通三教書辟穀卧雪能前知人事身
長七尺美髯如戟經書一覽即成誦寒暑惟一
箸筮日行千里靜則瞑目旬日所啖升斗輒盡或辟
穀數月自若也洪武二十六年自言辭世比葬發視
之復生

冷謙

字啟敬無書不讀尤深于易及邵氏經世天文地
理曆律與趙孟頫觀唐李將軍畫率然效之遂精
其法遇異人淮陽授以中黃大丹元末已百餘歲矣
高帝時詔授樂律郎定郊廟樂章嘗畫一鶴守門令

貧友入取帑贏金二錠戒無過取友恣取得金而遺

引內帑失金因問故并逮謙謙插足入瓶中因隱不

見逮者持見上呼之不出碎

瓶片片皆作謙語謙卒遁去

周思得

字養真行靈官法先知禍福太宗北征召扈從
數試之不爽鞭虎先驅敵駭潰炎途尸穢禱雪

覆之六軍大悅城西靈官藤像上獲之于東海朝夕
崇祀所征必載以行及金河川昇不可動就思得秘

問之對曰上帝劃界止此已而果有榆川之役思
得歷事五朝還山尸解死年九十三敕葬八盤嶺

徐道彰

通清微靈寶五雷諸法養神於通元觀每旱潦
禮致有祈輒應有難之者曰雨以澤物若風雲

雷奚用而以興焉彰曰太極動靜而生陰陽陰陽變
化而生五行大塊噫而為風飄揚為雲奮激而為雷

雷不興安得風鼓雲蒸而雨降乎蓋水火既濟木金
土穀之性遂地天交泰雷風山澤之氣通今亢陽肆

虐天地不交山澤之氣不通故也易不云鼓之以雷
霆潤之以風雨傳不云陰常散緩受交於陽則風雨

調人與天地一氣流通幹旋參贊繫於一心吾之心正氣順則天地之心與氣亦罔不正且順顧感通何如耳道彰除邪驅妖及能採三光復嬰兒之明人咸德之受施即營廟殿後沐浴解化羣鶴迎之而去

潘先生

不知所名人稱之曰潘先生居佑聖觀善役將常如廁戲召將取紙拭穢將怒擲火筆點其額額遂爛後以指染潰

張落魄

不知其所籍或曰邑人嘉靖中寄居玉山縣黃谷山下自稱張落魄嘗飲酒數斗不醉出入莫測一日持磁碟入市擊之以指畫壁若有所識後數日大水浸壁水痕到所畫處人始悟玉人呼碟為點打碟者打點避水也去之日口吐三棗以啖道人王道陵道陵穢之私與道童瞬息不見道陵駭其為仙令道童追之甫一日即至杭遇諸塗問曰爾何能至此告之故搥道童背出棗棗化蝶飛去

卓晚春

莆田人自號上陽子八歲行乞善算籌指上雖千萬不爽言休咎皆奇中初不識字十四能詩十六善草書嘉靖中當事召之輒與抗禮冬月履霜著黑麻布裙背加青紗帕子而已雖寒夜必露宿石上或日走浴溪內飲水十數甌曰漂我紫金丹也或問陽何不用七而用九陰何不用八而用六曰合九與六十之有五也又曰無極者如年之十月太極者如年之十一月或問日烏月兔曰此卯酉之說也問海水曰此天地之精也淡者餘氣耳有問郡中事曰橋石折莆陽厄丙辰橋石折壬戌賊陷莆城唐順之贈有小仙草書歌後

郁存方

道彰法孫授諸階法祈禳盡驗大旱封潭役將捲湖水入城瓦上猶魚躍年七十九無疾而化

俞大彰

居重陽菴趙中丞孔昭使禱雨立至他祈禳類此

高一澄

居惠應廟八十九坐蛻

張守常

居三茅觀感張三丰至與之談玄便爾通靈一日誦黃庭聞異香滿室而化舉棺若空

祝小山 粵人寓藕花居今高公儀墓也儀訪之小山指其地曰汝卧此後文端果墓於此李中丞天寵

之遇禍亦先知之後尸解三聖橋復有遇諸粵者

周文興 江郎山人登進士官至符卿不樂也來築臺清平山下每辟穀至百日許羣鳥翔繞其傍嘗授

古猿養氣訣獨守上門氣凝而首重揖則以拳擊腦百乃能起後尅死期別友而坐蛻胡少保宗憲為建

高士坊後少保獄中麥飯文興亦預言之

唐秩 少司空胄之子得大梵斗母五雷法用以報父仇下獄姜御史訪薦于朝以擲火除宮妖及命禱雨

雪輒驗授太常博士後歸禱雨佑聖觀運旗摩空雪轉如輪倏忽雨如注偶被疾恍見幢蓋來迎遂化去

已三年矣忽市囂中從褚幼文索所借書又拯四孝廉溺水語之曰帝命我主袁州因祠祀之

閻蓬頭 寡言居雷峯最久冬浴冰暑坐溺缶出而暴之無穢氣力勸人孝悌行善事與貴人游為築臺

以居一日坐蛻于吳山毛百戶家百日顏色如生

許源 號野雲弃官避仇自滇游蜀遇藍斗蓬得其學居斗牛宮南來修煉于表忠觀傍以却病方為世所

知年百八歲書頌而蛻

黃德淵 結茅於玄妙觀蕉池青霞洞之間鍊性跌坐芭蕉盛開純陽祖師輒留題葉上而去後十五年

池畔金蓮生純陽至始授德淵丹訣得其法年百六十有四坐而尸解焉

陳曰可 字古石受清微靈寶五雷諸法萬曆壬辰旱郡丞徐存德命禱雨赤日中俄頃雲生甘霜大沛

國朝

孫應元 字善長桐川慕化鄉人七歲出家吳山火德廟抵信州謁張真人遂傳以養氣延年之術并授

正一清微五雷大法囑曰大道非可獨善其身功全行滿始可證果耳應元受教壬申秋祈雨于海昌赤

日中殷天君見掣其符而去一雨七日由此祈晴雨皆立應後入大滌山康熙丁巳二月沐浴而逝諭弟子曰吾去後即有風雷至期果然

和有鴻

字公鑑性至誠孝少學法華陽衍教天壇後為宗陽宮繼開山師禱雨祈晴有求輒應尤能驅邪辟疫曾為前張中丞金尚方治疾如神當事檄為都紀年七十三無疾逝

釋

漢

慧明

姓王氏居蔣州山間值雪路塞七日不食至荊州四望山見二虎爭鬪以杖格解焉

晉

寶達

不知何所人晦迹武林山住刹利院因名刹利禪師中有印沙床照佛鏡乃其遺蹟江潮為害激射諸山寶達憫之持誦秘咒一夜有偉人玄冠朱衣謂之曰吾吳行人也憤心未雪公慈心為物敬聞命矣自是潮擊西興浙之東岸沙漲數里

慧理

西天竺人咸和初來武林見靈鷲峯謂從天竺飛來呼出黑白二猿為証卓錫建刹名曰靈隱

慧誕

於林石森聳處得古石函與貯神尼舍利之函如昔契焉

六朝

智一 劉宋時居靈隱山半峯精守戒範而善長嘯牽曳其聲杳入雲際

慧基 呂氏子宋文帝領公卿送之出家講經宣教尋棲法華寺張融劉獻立申師禮文宣王常就訪焉

曇超 姓張氏清河人形長八尺齊建元末適錢塘靈苑山每獨宿樹下虎兕不傷一日忽聞風雷之聲俄

見一人秉笏稱嚴鎮踈通須臾又一人形甚端偉羽衛連翩自稱七里灘弟子曰富陽一人冬鑿鹿山侵

壞龍室羣龍竝忿誓三百日不雨今已百餘日井泉枯涸無論田禾欲屈前行必感甘澤超遂達赤亭山

遙為龍咒願至夜羣龍悉人形詣超所禮拜曰乞三飯明日即降大雨高下沾足至永明十年卒

明徹 夏氏子讀道安傳嘆曰人生居此復那可不爾乎從旻師學洞明與旨武帝引入內殿撮聚律要兩

宮周供備沐恩獎臨終帝為作三百僧會給東園秘器

僧瑜 出家廬山誦藥王品焚身火至合掌不散紫氣騰空舍中倏生連理雙桐其徒因號為雙桐沙門

寶掌 中印度人時左掌握珠故名悟由達摩忽語徒曰吾誓在世千歲來此忽四百歲今已過七十二

年矣後塔倏開得今鎖骨藏秦望山

布袋 不知其籍里在奉化縣岳林寺嘗蟠腹以杖荷一布袋凡供身之具盡貯袋中隨為偃卧天將雨即

着濕艸履驟行途中遇亢暘即曳高齒木屐豎膝而睡梁貞明三年于寺中東廊端坐而逝杭州諸寺皆

塑其像撫膝袒懷開口而笑荷布袋于傍岳肅之珂嘗贊其像曰行也布袋坐也布袋放下布袋多少自在

隋

真觀 仕族范氏子掌有仙人字舌紫羅紋居靈隱山石室戒行精專受天台禪觀高譚寂照金石相宣時

人語曰錢塘有真觀當天下一半隋開皇年衆建南天竺寺請師焉嘗講法華心要感臯亭神請講捨祠爲殿刺史劉景安請講海龍王經驟雨沛然真觀能文有雅操文帝三徵秦孝王兩延皆以辭仁壽中手標養地于寺東岡大業四年一日聞空中仙樂遂趺化

任力

褚氏子宣導四部建傑閣貯優曇王像深蒙救慰隋室亂願焚身以留像閣火滅合掌凝然閣幸存像亦無恙四部人天無不欽任力之捨身衛法者虞世南爲碑文

唐

惠明

蔣氏子在法席二十五年推爲第一所衣大布炎凜不更時目爲青布明

全宰

沈氏子從徑山法濟雜染亭亭不雜風塵居天台三十年惡鳥革音山精讓窟出入經行鬼神執役姓范齊信安太守煌八葉孫詣蕪州支硎圓公受具足律儀是夜眼中現光焰長一丈餘蓋得戒之

守直

驗也立願誦華嚴經還夜夢神人施珠一顆及覺烟在握開元中入靈隱大曆五年三月告衆曰至人乘如而來乘如而去應跡如此而愚夫欲以長繩繫日安可得乎乃寂

道標

姓秦富陽人七歲有僧摩其頂曰此子骨秀如青蓮釋氏威鳳也遂出家靈隱肅宗乾元元年詔通經七百紙者得度首中選結茆峯西號西嶺草堂尤善詩與皎然靈徹齊名時人語曰雪之畫能清秀越之徹洞冰雪杭之標摩雲霄長慶三年示寂

寰中

蒲坂盧氏子母沒廬墓出家童子寺後居大慈山乏水夢神禮曰我携童子泉來旦見二虎爪跑泉湧今虎跑泉是也嘗示衆曰說得一丈不如行取一尺說得一尺不如行取一寸南泉趙州雪峯嘗就問

法今稱祖師堂

清晝

卽皎然受具于守直姓謝氏康樂十世孫也時號爲釋門偉器文章雋麗後博訪名山晚入杼峯獨

處絕去詩咏孤松片雲
禪坐相對永貞初年終

道齊

趙氏子少游庠序經籍淹博刺染投靈隱又學華嚴經義于天竺上有石室齊習定于中忽巨蟒哈

呀欲吞噬之狀怡然不動復有虎豹馴擾又山頂之水以錫杖刺地清泉迸流貞元間講華嚴時嚴冬飛

雪忽生花二本狀若芙蓉燿燿
煥觀者嗟嘆後終于石室

道欽

一作法欽後賜號國一初服儒教素禪師謂之曰
真法寶也遂求為弟子感獵人使焚且網代宗數

咨問心要杭守
請居于龍興寺

鳥窠

潘氏子誕有異香因名香光得法于國一百丈居
喜鵲寺寒暑一衲刺史白居易往訪見坐長松下

松盤屈如蓋傍有鵲窠為危之答曰太守危問其故
曰薪火相交識性不停豈不危耶居易悟因問夢是

浮生抑浮生是夢答曰來時無跡去無踪去與來時
事一同何須更問浮生事祇恐浮生是夢中終九十

九歲人稱為鳥窠
禪師法名道林

會通

本姓吳名元卿一日欲游方學佛法去侍鳥
窠吹布毛示之忽然大悟因名布毛侍者

靈祐

受具於龍興寺寒山拾得相與導往泐潭領旨百
丈應司馬頭陀之識居大為山橡栗充食遂與馮

仰一宗世號
馮山禪師

慧琳

姓戈新安人卅齡受業靈隱西峯大曆中住下竺
郡守杜陟裴棠棣陸則楊憑盧元輔白居易李幼

崔鄴路異先後俱禮遇比之簪組上流辭學高等
于靈隱講訓生徒二十載太和六年四月示寂

道悟

受具竹林寺嗣國一居大梅山猿獍饋橡
猛虎斂迹及居天皇士庶億萬稽首皈禮

幼璋

夏侯相國猶子七歲即求出家父母不許誓絕
飲食許之住寶山院預識錢尚父後果如所言

楚南

張氏子初參黃蘗應機無倦而寂然處定後寇
發其塔見楚南跌坐儼然爪髮俱長驚禮而去

韜光 穆宗時辭師去游師囑曰遇天可前逢巢則止在靈隱山巢居鳩時白樂天守郡題其堂曰法安白

嘗于元旦為詩招之韜光不去

法詵

孫氏子母夢吞珠而生嘗登法座有光如紅縷繞空散作金光所講經如頻伽鳥音入耳悉生歡喜

弟子稱為

清涼法師

玄覽

舒國公褚無量之弟出家師承慧景景一見器之曰江表無真僧久矣其以此子為法鼓乎居華嚴

寺以寺前平湖十里為放生池又復鑄像寫經追報王考與其兄晨昏說法娛母而已

崇惠

章氏子從國一勤禪觀而專誦佛頂咒代宗命與道士史華角勝樹梯橫刀徒跣百尺復蹈火探油

餐鐵葉為飢飢史華大

負賜號為護國三藏

鑑空

姓齊名佐吳郡人少貧困元和初游錢塘年四十五屬歲荒求餐于天竺寺至孤山餒甚不能前俄

有梵僧顧之笑曰秀才法師旅游滋味足未空不省僧曰不憶講法華經于同德寺乎子應為餓火所燒遂探囊出棗大如拳許曰食之自知空食棗頃刻悟同德寺如昨日焉因涕泣歷問當時雲水五人唯僧得解脫獨空修法不完坐于餓凍復探囊取一鑑曰要知貴賤修短佛法興替宜一鑑空照久之了然嘿記遂投靈隱出家受具足戒後行高節苦太和元年過河東語柳埕曰我生世七十有七尙九年在世吾捨世日佛法其衰乎乃索筆題于經藏曰興恒河沙衰恒河沙兔而置犬而拏牛虎相交與角牙寶檀終不滅其華此為會昌乙丑毀法武宗厭代事也後周游名山未卜所終

五代

文喜

馮山宗姓朱嘉禾人叅仰山契悟常往五臺山禮文殊遂止為典座一日定中見文殊跨獅子緣鷲

側喜訶之文殊遂踴空乾寧四年住靈山無著院武肅王表賜袈裟號無著禪師光化三年告衆跏趺而

逝有白光之祥天祐二年叛兵發其塔肉身不壞爪
髮俱長武肅王奇之遣禪將重為封瘞後韓侂胄取
為葬地遂啟其塔茶
毘之得舍利百餘

德韶

吳越忠懿王居之內道場尊為國師韶參五十四
知識得法于法眼與智者同姓人疑其後身嘗導
王遣使航海傳寫台教于新羅將入滅星
殞林白告眾而化吳山大井其所開也

宗季

俞氏子眇一目羅隱間丘方遠嘆賞其才請講諸
論詮注經文可五六種一時稱其筆下有青蓮
邑于氏子任六和寺受德韶國師記
翊贊永明有日日潮聲兩度聞語

友蟾

志逢

文益

緣德

受具後嘗夢升須彌山覩物後嗣韶國師吳越王
尊禮焉每携大扇乞錢買肉飼虎虎迎載還山
魯氏子幼習毘尼工文章一切以文章為佛事以
絕滲漏句為宗南唐李主禮焉法眼宗之始也
黃超子孤節高岸服韋袴李國公列威儀延
內道場輒荷擔而入賜齋不謝宗齊丘師之

道潛

胸有痣狀如北斗得法眼而悟領徒嘗得五百吳
越王造永明寺居之終時白光晝發塔頂亦時放
光

延沼

劉氏子於書無所不觀一應舉即棄去以台觀不
足學學南院居風穴日乞村落夜燃松脂單丁七
年後徙汝州
法席冠天下

文遂

陸氏子兒時出家博通內外典携注楞嚴謁
法眼遂焚注依眼得忘知解國王錫雷音號
王氏子七歲誦法華經五行俱下羣羊跪聽年二
十八為華亭鎮將以官錢放生坐死錢文穆王赦

延壽

之聽其出家住天台智者岩習定見觀音以甘露灌
其口遂獲辨才錢忠懿王請重剎靈隱之興由
此故後稱主持靈隱者為第一代復請任淨慈繼遷
永明道場以心為宗以悟為首著宗鏡錄一百卷每
日行一百八善弟子二千餘人夜施鬼食晝放生命
世號慈氏下生開寶八年跌逝大舍利五色鱗砌于

地塔大慈山明神廟中遷于
淨慈宗鏡堂後號壽寧塔

願昭 任香嚴寺每日山河
大地常說法度人

環省 任千光王寺閱楞嚴未解夢
吞日而悟永明為之印可

可周 自豫章至武林善註
經多有疏鈔傳世

景霄 任真身塔寺時徽猷名高欲
凌轢景及聞開講不覺嘆服著
簡山言記感供茶化乳武肅王禮焉

道怱 姓陳氏悟由雪峯閩中謂之
小怱布衲武肅文穆二王延請居焉
吳越禪學自此而興

行修 號性真泉南陳氏子長耳垂
肩幼勤課誦得雪峯心印唐同光
初入浙依法相寺因乏水卓錫泉出

傾城望施兒童每牽耳結於頤下
修惟默笑永明語錢王曰此定光
佛應身王趣駕叅禮師但云永明
饒舌遂跣跌而化其狀久之如生
寺僧以髮塗漆至今猶存

希覺 任千佛寺幼傭書羅隱家
八十著會釋記其解周易于上下
繫尤備又補南山鈔著增暉錄

清聳 法眼宗福清人初叅淨慧慧
指兩謂師曰滴滴落上座眼裏師
不喻旨後閱華嚴感悟節度使錢
億執師禮事之忠懿王命

宋 任靈隱號了悟禪師

省常 顏氏子結淨行社于西湖刺
血書淨行品雕彌陀像與公卿伯
牧二十人比丘千人整心西向王
文正公旦為之首臨終唱佛來迎
化後地金色移時

悟法師 居天竺每誦大悲呪誓助
王化遵式冥求晝夜不廢感動天
聽後果如願

遠觀 字曇穎丘氏子與歐陽修為
文字友叅聽公恍如夢覺嘗云三
世諸佛是妙婢一大藏教是涕唾

智圓 徐氏子早勤儒學兼涉老莊
從源清傳台教結友林逋以詩文
自娛有閑居編既逝歛以陶器後
十

幾唐系志

卷之三十一

釋

五年雨頹爪髮俱長露齒若珂雪

晤恩

字修已住慈光寺常熟路氏子十三聞誦彌陀經遂求出家通達法華光明經嘗于終夜視白光自

井而出乃絕粒禁言一心念佛為弟子說止觀指歸及觀心義端坐面西而化化之日聞空中絲竹嘹唳

靴鼓鈴鐸聲漸久遠依稀西去茶毗日獲舍利青白圓粒無算

允堪

九歲能誦小桂後撰律宗十二部經解諸書慶曆崇寧皆有賜號陳舜愈為撰行業記

從雅

居平誦禮聲不絕口楊傑貽嘗求撰安樂國贊從雅益以九品圖逝之日感異香天樂來迎

道誠

號慧悟大師居月輪山撰釋氏要覽注釋迦成道記丞相王隨與為友

梵臻

說法奉律甚嚴

贊寧

德清人姓高出家靈隱習南山律宗錢武肅署為兩浙僧統時名律虎太祖徵入京賜號通慧賜紫

太祖行香至相國寺問曰朕見佛拜是不拜是答曰現在不拜過去佛淳化三年兼翰林院使館編修寧

博物強記辨說縱橫著通論有駁董仲舒難王充斥顏師古證蔡邕等說王禹偁深服之徐常侍鉉仕江

南川嘗入直澄心堂至飛虹橋馬輒不進裂鞍斷轡篋之流血掣韁却立鉉遺書贊寧贊寧答曰下必有

海馬骨水火俱不能毀惟漚以腐糟隨毀者是也鉉斷之去土丈餘果得巨獸骨上脰長五尺膝面下長

三尺髀骨若段柱然積薪焚三日不動以腐糟漚之遂爛焉徐諤嘗得畫牛一幅畫啣草欄外夜則歸卧

欄中持以獻後王煜煜獻之宋太宗以示諸臣無能辨其理贊寧曰南倭海水或減灘積微露倭人拾方

諸蚌蜡中有餘淚和色著物則晝隱夜見沃焦山或風燒飄擊有石落海岸滴水碧色染物則晝見夜隱

此二形殆二物所畫也年七十入至道九老會後二年示寂

辨才

名元淨入慈雲法智室沈邁迎王天竺頓增萬礎繼居龍井遂成伽藍法界觀成眉間卧起處往往

得舍利焉左肩現袈裟條八十一如
住世之數蘇軾為誌銘趙抃為之贊

佛印

名了元居蠟燭菴二歲通論語五歲日誦詩三千
首稍長因喜楞嚴語入釋得旨于納公與郡守蘇
軾倡酬時相策勵辨才無碍肆口而談
無非般若聽客語契心一笑軒渠而化

淨源

在慧因院見長水諸師專精雜化因合二疏及製
此經之懺而解羣經文亦清勁高麗義天師焉

紹巖

在西湖水心寺善韶國師誦法華經二萬
部感陸地生蓮舉地瞻矚岩輒舉而蹴之

元照

在靈芝寺博究羣書依慧鑑學毘尼大振南山之
宗有資持記彌陀義疏芝園集行世蘇軾就之畫
像薦母逝時西湖
漁人皆聞天樂聲

用欽

大智學律日課佛三
萬光神遊而後往生

道光

在華巖寺學通毘尼為東南義虎持法華創塔
廟將歿見彌陀相現天雨曼陀羅花滿其庭

必才

在演福寺七歲能詩祝髮苦行掩關十年
入潤公性具之室著句玄妙為台宗領袖

契嵩

雲門宗字仲靈鐔津李氏子得法於洞山聰夜則
頂戴觀音像頌其號必滿十萬自是世間經書不
學而能作原教論十餘萬言明儒釋之道一貫以抗
排佛之說讀者畏服後居靈隱山永安蘭若著禪門
定祖圖傳法正宗輔教編上進仁宗覽之嘉嘆付傳
法院編次入藏下詔褒寵賜號明教大師執政韓琦
參政歐陽修皆見而尊禮之還山熙寧五年六月四
日晨興示偈至中夜而逝茶毘五種不壞其頂骨出
舍利紅白晶潔如大菽者三契嵩有
文集二十卷目曰鐔津盛行于世

德章

仁宗問法于德章章喝之或曰皇帝面前何得
如此章曰也不得放過作心珠歌賜號明覺

道臻

浙之台宗大振自道臻始嘗乞豎幡與岳公角勝
如義墮即誓懸首于幡聞者凜然與蘇軾談古軾
偶有所忘臻
即應口誦之

惠遠

號瞻堂臨濟宗眉山彭氏子叅圓悟悟舉龐居士問馬祖不與萬法為侶因緣遠忽頓悟什于眾中良久曰吾夢覺矣至夜悟小叅師復出問自此機鋒峻利目為鐵舌遠乾道六年敕住靈隱賜號佛海有旨引見召至選德殿乾道八年車駕幸靈隱至一笑軒交蘆室見遠畫像曰此是畫的誰是真的遠對曰春風和暖恭惟萬福問如何免得生死曰不悟大乘終不能免問如何得悟曰本有之性但以歲月磨之無不悟者法無二法見無二見心無別心天無二日帝首肯之預示化期于淳熙二年示寂留七日顏色不變壽七十四

崇岳

過木菴者譏崇岳所得皆無利益發憤力叅于密菴語下大悟利人獨多

道樞

號懶菴臨濟宗四安人姓徐隆興初詔住靈隱孝安蘭若逍遙自適有偈題壁云雪裏梅花香信息池中月色夜精神來年可是無佳趣莫把家風舉似人

淳熙八年八月坐逝

妙堪

號笑翁臨濟宗毛氏子四明人叅天童無用全公時朝廷奏令僧得買紫衣堪曰如是則財可主法矣抗疏廟堂其議遂寢以寺在屠沽之地闢為林藪立飛來峯門重樹羅公處約碑春秋七十二

道冲

號癡絕臨濟宗武信荀氏子少長習進士業弃之受釋氏于梓州妙音院嘉定己卯游徑山淳祐甲辰有旨移靈隱後理宗取下菜園地建閻妃功德寺即日退院荷笠往游廬山遣使留之不回乃賜古蕩千畝圩田若干畝與易後任徑山每日以一篋付侍者有求其語者投之鐘定後秉燭隨紙多寡俱盡臨示寂手書龕記并遺書十數至夜分起坐而逝壽八十二茶毘時得舍利五色者無數

重顯

雲門宗字隱之遂寧人姓李叅北塔祚公盡其道法將造錢塘值曾學士于淮南以書薦于珊禪師顯至靈隱寺浮沉眾中曾奉使歸訪師靈隱無識之者于淨頭寮舍物色得之曾問向附書顯出袖中納

之曰公意勤勤然行脚非書瑯也珊大奇之師嘗應翠峯請于靈隱陞座後任雪竇皇祐四年七月七日示寂

宗杲

臨濟宗字妙喜寧國人姓奚氏其母初夢神人衛一僧黑頰而隆鼻造于卧室問其所居對曰岳北

德光

臨濟宗姓彭別號拙菴臨江軍人叅大慧杲得悟德光頭顱方正廣顙豐頤七處平滿淳熙四年詔

妙峰

臨濟宗吳興劉氏子平生善誘一經指授神融意悟端平二年示寂鄭清之為銘

慧朗

號幻隱幼瘍棄榻上忽四童昇去瘍頓愈以為神初學馬祖後嗣行端因誣候訊坐逝廡下

輔良 臨濟宗范文正公十世孫叅笑隱一見契之號貞

正源

歐陽文忠公裔也得法于虛谷陵雄談慧辯方鎮迎蒞五刹遠近募化晚居靈隱一夕發火所居獨存復坐逝弟子分瘞爪髮皆叢生舍利

居簡

工詩文有北澗集天台人爭竹山見居簡竹賦息爭比之僚九云

法薰

嚼東林顏木札羹鐵釘版迎拳而悟嘗曰不敬東家孔夫子却向他家習禮樂意晒逃禪者嗣破菴能貌古性直節用而與寶坊誓不行乞

慧才

入法智室持大悲呪恒百八遍夢觀音解袈裟衣之常授菩薩戒于雷峯方偈摩觀音像騰寶焰映奪日燈有證戒光記米芾書

曇懿

業醫後念佛供佛終見大蓮花梵僧問訊

思照

徧歷教庠研究宗乘至刺血書經一字一禮者三十年

思聰

居靈隱晝夜專誦蓮經又不輟念佛已而曰更兩日吾西行胸中蓮花是其相也果如其言

思淨

喻氏子楊傑呼為喻彌陀以畫佛稱也居接待寺飯僧及三百萬賊犯北闕詣賊願代一城之命賊

為之少戢鐫多寶山攬舟石為彌勒佛首望之巍然張九成銘其塔

思慧

俞氏子嗣法雲本住雷峯持拄杖趁散聽眾

寂室

夏侯氏子嗣深公嘗以飛來山色說法

慧開

生而藐小與石霜同叅作補衲看經二偈自黃龍山挾龍來止無門洞龍每蜿蜒松上禱雨輒應孟

拱吳潛鄭清之聞于朝召對問所以致雨者曰寂然不動感而遂通賜金紋伽梨其後身即中峯明本也

平山

處林王氏子四任名利獨新淨慈據猊揮塵學徒萬指高麗遣幣來迎僅得四會錄而去

道濟

即濟顛台州李氏子初叅瞎堂知非凡器然飲酒食肉有若風狂監寺至不能容呈之瞎堂堂云法

門廣大豈不可容一顛僧耶及遠公既寂出居淨寺累顯神異年七十三端坐而逝

圓照

宗本由天衣懷而悟時眾爭請轉輪郡守陳襄借主南屏三年為此邦植福孝宗召對亦稱福慧僧

善本

字大通發明心要于圓照見尊像行立者不敢坐齋飯假以魚裁名者不敢啖其防心離過數如此

淨曇

任法慧嗣保寧璣一日揮扇示眾曰今朝死去見閻王劍樹刀山得人怕收足而逝火後舍利如霰

靈照

任龍華高麗人契雷峯之旨一衲服勤謂之照布衲

善繼

任集慶寺夢神授白蓮而生蓋永明壽後身也長治春秋即棄去傳法湛堂澄修法華懺每多感應

弘濟

任普福學博律嚴定中見智者授犀如意已而龍象馴繞又懺感雨花鹽官海岸不圯濟之功也

水盛

任妙果寺遇孤舟濟力叅印可始舉南巢五龍讓宅生有祥輝逝日練光縱橫分合彌亘山刹

松隱

居傳法寺受戒于昭慶惠聞巖泉泠泠有悟任
清涼影不出山凝塵滿席既逝而火天花滿空

遵式

夢吞珠而生傳台教于寶雲建下天竺因章獻太
后請懺著淨土懺法行懺多異逝日星殞書邁鍾

王詩文典雅有金園靈苑諸集紹興間
賜謚慈雲懺王祈晴屢應加號正覺

圓智

謁元公舉蘇軾東林偈而始悟有溪若是聲
山是舌無山無水好愁人之句元印可焉

中仁

始不信圓悟勤之法擬對其語擊
墮一齒而悟孝宗賜坐咨問甚勤

若納

高宗命為僧錄歲修金光明懺孝宗召對賜坐深
談明理且勉以仁孝光宗命肩輿出入賜賚甚厚

齊璧

注祖源記普賢觀經嗣法神煥考論
諸天行位明君臣母子之分甚辯

宗印

師竹菴誦台宗書必千過砭支離之病不獨申
九辯駁宗極論也學徒嘗五百寧宗召對賜號

允若

任天竺九歲通春秋詩文雄健有法妙解台衡家
言諸名卿多與交時稱若濟無罕佛海四天王云

溫日觀

瑪瑙寺僧也宋亡出家豪飲不羈往往出憤世
語善畫葡萄枝蔓皆合草書法性酷嗜酒楊連

真伽以名酒啗之終不
濡唇見輒罵曰掘墳賊

元

大訖

號笑隱領五山寺傳法晦機黃緒虞集品其文鏗
鏗磊落文宗順帝命坐咨訪授三品文階錫賚甚

厚盡用以建閣愧事毋
不及睦州居蒲室而已

慧日

依訓公餐台衡部味輪下千眾大昌北峯之教
太祖徵問字而不名且令學者師曰眉法師云

原妙

號高峯吳江徐氏子母夢癯僧而婉幼嗜跌坐稍
長從嘉禾密印寺老宿法任出家習天台教不契

入淨慈立死限學禪脅不席食不味嘗疑萬法歸一
一歸何處見雙徑五祖真贊疑始泮從欽南明益警

省咸淳丙寅冬入龍巖山粵五載中夜推枕墮地有
聲廓然大悟會積雪路絕數日人謂已矣雪霽晏坐

如初甲戌遷武康雙髻峰德祐丙子春大兵至妙絕
食兼旬危坐不動已卯春入西天目獅子岩即石洞
營小室丈許榜曰死關悉屏給侍服用破甕為鐺併
日一食後以後事囑明初祖雍書偈泊然而逝妙清
明枯淡篤志求道頓悟之後屏居窮山名震
江湖識與不識皆手額嘆曰古佛善知識也

斷崖

俗姓湯德清人能食時即不茹葷血六歲始能言
但從其母誦法華經年十七見高峯于天目山師

子岩之死關峯乃令提萬法歸一一歸何處話因名
之曰從一他日過鉢孟塘見松上雪墮有聲即詣峯
呈頌曰不問南北與東西大地山河一片雪聲未絕
峯痛棒之不覺隕身崖下懸岸壁立人意其必死已
出半山無所苦自誓曰七日不證則決去矣遂端直
堅壁亡廢寢食夜則攀樹露立達旦未至所期豁然
大悟馳至死關呼曰老和尚今日謾我不得也呈頌
曰大地山河一片雪太陽一照便無蹤自此不疑諸
佛祖更無南北與西東峯嘆其俊快改名了義孤峭
巖峻不假借人辭色或觸其機鋒發言如奔雷諸方

宿衲莫不驚嘆居不擇地隨寓而休而律範大閑凜
如冰雪所至四眾歸重公侯貴人爭相迎奉無虛日

元統元年歲除日與禪者談笑至夜分乃
曰老僧明日天台去也翌午果跣趺而化

明本

號中峯孫氏子生有異徵童時嬉戲必為佛事稍
長閱經教燃指臂求佛甚切晝夜彌勵困則以首

觸柱期必得乃已及入死關密叩心要頌金剛經至
荷擔如來阿耨多羅三藐三菩提處恍然開解自謂
未極諒決無怠及觀流泉乃大發明自是說法示人
縱橫該貫應問無碍隨其根器廣為策勵世推以為
大辯宋景定癸亥歲生元至治癸亥八月十四日示
化年六十一僧牘三十七門人葬于西岡之上而塔
焉

德珍

嗣虛舟度元初徵入賜佛光海印之號道價騰踔
長雄諸方嘗有物出目中瑩潔如珠皆舍利也

守貴

居天龍寺寒暑一衲始見千巖長于龍華繼是中
峯斷崖而後知于江一月于是莊嚴天龍如大伽

藍有櫝其落齒者見五色舍利瑩然日增

希陵

號大辯契雪巖欽之旨詞場道場學者奔奏視黃白無殊瓦礫元四帝皆賜號寵之虞集銘其塔

晦機

元熙唐氏子性至孝博學工文諸大臣率屬迎主淨慈高麗日本雲南之僧集祝床下千百人乃作

佛閣植松栢鬱成叢林禪門中稱為繡虎

祖如

字振宗邑朱氏子訓僧于南屏沓拖慵率濟顛之流後居天池衆赴化期已若忘之尚曳履逍遙問

故始沐浴坐逝有塵根俱淨萬月當空之句

仕璋

住集慶寺犀頂星眸生不茹葷柳貫其經師也著聲台教與天心稱雙璧

慧炬

任崇壽院深明教觀江神聽戒潮不潰岸時稱炬菩薩

洪僑

任相國寺棄武弁得法大璋南來天目應石懺建寺勤修淨業飛鳥常就掌食既坐脫人猶見之

世愚

號傑峰坐如枯株聞證道歌豁然大悟息影大慈山者十六載賜號弘辨所著有二會語錄

雍布衲

事高峯躬春爨樵標貌瘠黑慙而少文每躬乞給衆所著有和永明山居詩

明

一如

會稽人洪武二十八年居上天竺善講法華經少師姚廣孝嘗語人曰如公兩浙一人也永樂間修

大藏經詔一如總其事

宗泐

姓周氏始生能坐輒跏趺八歲從中天竺笑隱訓學佛二十受具虞文靖集黃文獻潛張潞公翥皆

推重之為方外交洪武中太祖以佛書有遺逸命往西域求之得文殊等經還所著有會室外集十卷

道衍

字斯道姚少師廣孝也長洲人嘗住淨慈寺洪武初在燕府籍中任持慶壽寺叛燕王即大位特授

少師命蓄髮終不從賜兩宮人不近亦不辭乃召還茶毗日心舌牙堅固不壞得舍利皆五色雲棲株宏

嘗稱其貴極人臣而不改僧相功過或可相準

可授

字無指雄碩曼卓塵視榮利得法於普覺名稱著聞曰念佛即學禪也

明德

玠公後身兩見竺西疑情頓釋不踰戶者五年賜號圓明定慧副以金欄為五山主宋濂為之銘

行輩

夢泗州大聖衣覆頂而落髮得旨松源之後諸大德每延致之晚繼倫公法席最盛

慧照

橫山珙公後身閱真淨語懸解詣東嶼勘辨如九舞空遂與分坐帝師錫佛德號不顧也

懷渭

字清遠南昌魏氏子從張起巖張翥虞集游學大進宋濂稱為僧中繡虎嘗引頸受兵刃不懾洪武

初奉詔退居梁渚為渭全悟藏爪髮之地後無疾而逝火化得不壞者三

懷信

嗣竺西坦公坦嘗曰俊哉獅子兒也凡主大刹輒持鉢丐食刹僧避大兵信獨跌坐不顧皆投刃拜

太祖亦入刹聽所講經逝日上夢懷信來言別為卜葬治喪躬奠送焉

智順

字逆川通天台教明初兩召演法備顧問錫金欄不御多飾塔廟每傾篋為償官逋

道聯

六坐道場兩被徵召纂修大典游戲翰墨緇白咸重之英宗悼其坐逝敕瘞所築藕花居傍

頤簡菴

梵僧應身徵修大典校讐法藏及乘傳索古彝器賜賚甚厚歸涖南屏鼎新象設

普仁

性孤峭每危坐達旦得法了然義公明初著語錄山居詩百首

元澣

幼師韓莊節通經史而宋文憲謂其文如龍錦已傳台教詔入問道賜食加殊禮焉

廣衍

悟宗闡教坐逝京邸英宗遣官致祭

德祥

字麟洲持戒律工書法詩逼郊島有桐嶼集臨終倚座曰一隊醜糟漢我爭如爾何談笑而逝

梅雪

有和永明詩及幻寄集

行端

字元叟族臨海何氏世為儒家年十一從叔茂上人得度于餘杭化城院器宇宏遠精究儒釋一至

淨慈兩居靈隱主徑山席三十年足不越閩古鼎
銘楚石琦夢堂噩皆師焉詩文清雅為時所稱

守仁 字一初工詩歌書亦道勁嘗汲九溪集茶社與楊
維楨張伯雨輩倡和明初徵授善世有夢觀集

來復 字見心黃氏子葺蒲廣志宋濂比其文如木難珊
朔洪武初以高僧召至京賦詩應制載皇明雅頌

本聚 字無見嗣孤峯德居靈谷行百丈清規甚肅未幾
書偈而化又有忻悟者嗣愚菴賜號圓慈正濟亦

泣寺未幾没于燕兩
僧閣維皆有不壞者

興古道 屢為大會首座一日病歸聞雷立化時又
有棲雲菴空江者念佛旋繞亦倚杖立化

德明 嘉靖倭入犯德明築臺防倭諸刹賴之時武林婦
女多避倭山中無所得食明給食還所脫簪珥持

不淫戒為僧砮
石遂興廢寺

圓會 居天聖廢寺勤課誦不踰闕飯僧幾數萬持戒精
嚴及逝暑月不潰法弟本能咒鳥下集飯之如僧

立中成 女北孫氏子十三出家慈光寺受具謁淨慈祖
芳聯公聞臘月火燒山之語遂悟八十一上堂

說偈有今年記着後年事語至八十三竟焚沐坐化
月日無爽停龕九日顏色不變茶毘得五色舍利

本善 住三塔寺聞鐘有省古庭授以衣拂昭明
寶蓮甘露三寺皆其興建著有毒峯語錄

祿宏 字佛慧號蓮池仁和沈氏子年十七為諸生三十
二歲辭家祝髮徧參諸方初發足從念佛得力至

是乃歸併淨土一門乞食梵材見雲棲山水幽寂有
結茆終焉之志環山多虎患宏諷經施食虎遂遠徙

時歲大旱擊木魚循田念佛雨隨足跡而注居民德
之遂成蘭若道風大扇四眾翕集遠追蓮社單提念

佛以攝禪淨住山三十餘年以乙卯七月別眾示寂
臨行張目云老實念佛勿捏怪勿壞我規矩向西念

佛而逝塔于五雲山之麓世壽八十有一初宏出家
語繼室湯曰生死事大汝其勉之時湯年十九灑然

省悟亦山家孝義菴
法名祿錦戒行潔白

廣如 字本真，殊宏弟子，稱為鐵面禪和。後坐化，貌如生時。

真可 字達觀，世居吳江，姓沈氏。五歲不語，有異僧摩頂，遂能言。二十受具，戒叅張拙秀才，偈頭面俱腫。一

夕，悟腫處頓消，自是凌轡諸方。後聞憨山遠，戍雷陽。又南康太守吳寶秀以礦稅被逮，乃決策入都。曰：海印不歸，我為法一大負。礦稅不止，我救世一大負。傳燈錄不續，我慧命一大負。會妖書獄起，執政者欲牽連殺之，可笑。曰：久在何為？索浴說偈，堅坐而逝。葬于徑山茶毘之日，肉身儼然，舍利無筭。

廣印 字聞谷，年十三祝髮，開元寺。戒于雲棲，攝靜西溪法華山，有語。

廣承 字紹覺，土橋潘氏子。皈大覺為弟子，禮雲棲有感。不窺戶者六年。晨鐘禮懺，亭午說經，日以爲常。菴初名勝蓮，避蓮池字。易曰：蓮居所著，有毘尼珍敬錄。諸書萬曆己酉秋講法華甫畢，忽命弟子大真嗣講。遂跌坐西向逝。

宗妙 趙氏子，轉輪被鎧為僧之綱，嘗禱息。鎮風潮報國，淨慈二刹亦其所新也。

宗靜 高氏子，學通華梵，闡宗淨慈，嘗觸賊鋒，不離師道。聯左右人以為難。

國朝

明方 字石雨，武塘陳氏子。投法相，薙染叅雲，澄得印。授以斷拂子一枝，遂號為斷拂子。乙酉歲，龍蛇起陸，所在招提咸遭劫掠，眾欲避去。方

曰：無庸也。賊至竟為雲霧所迷人，刹皆不見而去。戊子春，示寂。弟子奉其龕，丈室中未幾，山兵突至，欲毀。見方龕儼然，不忍俱燼，昇出之。百夫莫舉，賊驚以為神，乃捨去。寺賴以存。

大真 字新伊，姓周氏。九歲，父母欲訂婚，駭而辭，遂入蓮居。師紹覺，受具雲棲。初大覺奉其母，以居人皆歎為陳睦州及紹覺大真亦如之。入滅之日，玉筋雙垂，神光出頂。

圓融

西蜀人年十六出家得戒天童密和尚隨侍天台參報恩遊大雄次至金剛菴經四十餘年壬寅七月忽語眾曰吾初六日歸去也至日從容禮佛辭眾入龕凝然坐化

方宜

字夢曙茗人出家法相寺善左筆書有詩名雲間張鼎董其昌竝稱之後閱藏有得續雲棲放生會席上鄉康熙改元冬忽一日禮佛集徒講演金剛經畢至江口卓杖大聲曰好江水泊然立化

二隱

不知何許人自江南誣逮來浙寓安樂橋庭訊有期謂隨侍促沐浴將示寂諸弟子泣留曰旦日賴師理解如撒手奈弟子何隱唯唯凌晨至庭數語得白歸命設香湯已問日午未日午矣說偈微笑而逝

明源

字德水李氏世家子受具雲棲豁然有得西湖龍王堂歲必溺數人源為施津濟患遂息城中某氏女病癩狂囈若有物憑羣治莫效延源瑜伽說法未竟疾頓蘓常以解脫二字勉弟子後偶示微疾端坐逝

德修

任方家峪茶亭先是薙染後習靜北山窮谷二十年卒不知其叅尋所自後任茶亭亦庸庸無奇康熙七年元宵日忽出衣單盡分給人云當別去及旦自炊水沐浴召隣人為封龕眾竊笑之及入龕跌坐方合龕火自內出風動焰疾頃刻而化

正崑

字豁堂金陵郭氏子明洪武初以軍功世授杭州衛指揮遂家焉七齡即絕葷十歲喪父白母依靈隱十三薙染禮補陀叅淨慈三峯漢和尚聞淨板聲悟遂駐足南屏俄罹無妄逮訊江寧獄中隨宜說法至感囚隸佛聲浩浩人以為地獄西方事解得歸預言逝期至期沐浴命侍者出視日晷云正午遂伽趺書偈逝正崑性穎敏兼通儒教工吟咏善書法間畫山水多做元人一時賢士大夫樂引為方外交

淨符

字位中曹洞宗為人短悍而跛善著書下筆數千言居白巖尊聖禪寺著有祖燈大統諸書行于世

弘禮

字具德臨濟宗三十二世紹興張氏子初為鍛工已習道家言後又讀首楞嚴而善之披剃受具叅

三峯于安隱服勤十七載遂受其囑付弘禮出世雲門廣孝維揚大寧及佛日顯寧諸處俱稱千人善知識而于靈隱破院久任法席一新建置甚盛靈隱以理公為祖延壽為宗而弘禮以中興兼荆置自來禪德未之有也復應徑山之請又至維揚天寧甫七日無疾坐化弟子繼席靈隱者甚夥以原志慧輅為巨擘云志字碩揆輅字諦輝皆能闡宗風無忝燈傳

心通

字德智生而警性不茹葷幼即受具于古宿年十歲而兩睛忽痛如病目者然已而豁然重朗深碧炯然能燭幽隱人有病崇者至則纖微無敢匿形隨宜制譴皆獲霍然又能入定前知休咎一時王公大人奉聘一至京師即歸終隱受法于雲林諦公為臨濟正宗仍退居東苑德寧精舍永興潮音皆其建設年七十五忽辭眾無疾端坐而逝

論曰佛老之教既行於世其所緣始實從上古人皆

謂仲尼師老聃師乾竺而不知黃帝時已有馬師皇

堯時已有方回舜時已有尹壽又皆謂佛法至漢明

帝時始入中國而不知釋迦前此已有諸佛得道一

佛必有一劫自初佛至釋迦已七佛矣且第知釋道

之分為二而不知劉向傳列仙言得仙者百四十有

六人其七十四人已在佛經是則其流雖異而其源

未嘗不同也蓋自梁唐以來其徒尤盛亦有著靈異

顯道術動世主之傾信使通儒為禮拜者可謂盛已

余志仙釋由漢迄今總得若干人肯哉謝康樂之言
曰丈人生天固在靈運前得道當在靈運後非吾儒
所當論也皇甫湜送簡上人序昌黎韓愈既貶於潮
浮屠之徒歡快抃舞而簡師獨憤起訪湜求序行以
資適潮不顧虵山鱗水之奇險若將朝聞道而可者
苟得其人吾亦願與之同遊矣

